

ხელშეკრულება

სახელმწიფო შესყიდვების შესახებ №24

ქ. თბილისი

„01 „ მაისი 2023 წ

“სახელმწიფო შესყიდვების შესახებ” საქართველოს კანონის მე-3 მუხლის პირველი პუნქტის “ს” ქვეპუნქტისა და 2015 წლის 17 აგვისტოს სახელმწიფო შესყიდვების სააგენტოს თავმჯდომარის №13 ბრძანების მე-2 მუხლის “ა” პუნქტის თანახმად, ერთი მხრივ (შემდგომში შემსყიდველი) გორის, კასპის, ქარელისა და ხაშურის მუნიციპალიტეტებში სახელმწიფო რწმუნებულის ადმინისტრაცია (მისამართი: ქ.გორი, ფერაძის ქ. №5) სახელმწიფო რწმუნებულის მიხეილ შაყულაშვილის სახით და მეორე მხრივ (შემდგომში “მიმწოდებელი”) შპს “პროსერვისი” (ქ. თბილისი, პ. ქავთარაძის ჩიხი 3) წარმოდგენილი მისი დირექტორის რევაზ ნატროშვილის სახით, ურთიერთშეთანხმების საფუძველზე ვდებთ წინამდებარე ხელშეკრულებას შემდეგზე:

1. ხელშეკრულებაში გამოყენებული ტერმინთა განმარტებები

- 1.1. “ხელშეკრულება სახელმწიფო შესყიდვების შესახებ” (შემდგომში - “ხელშეკრულება”) - შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ მასზე თანდართული ყველა დოკუმენტით. ხელშეკრულება შედგენილია ორი თანაბარი იურიდიული ძალის მქონე ეგზემპლარად ქართულ ენაზე. აქედან ერთი ეგზემპლარი გადაეცემა მიმწოდებელს, ერთი-შემსყიდველს.
- 1.2. “ხელშეკრულების ღირებულება” - ხელშეკრულების ჯამური ღირებულება, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულების სანაცვლოდ.
- 1.3. “დღე”, “კვირა”, “თვე” - კალენდარული დღე, კვირა, თვე.
- 1.4. “შემსყიდველი” - ორგანიზაცია რომელიც ახორციელებს შესყიდვას.
- 1.5. “მიმწოდებელი” - პირი, რომელიც ახორციელებს მომსახურებას ხელშეკრულების ფარგლებში.
- 1.6. “მომსახურება” - ხელშეკრულების მე-2 მუხლით გათვალისწინებული ხელშეკრულების საგანი.

2. ხელშეკრულების საგანი

- 2.1. მიმწოდებლის კუთვნილ ვებ-სერვერზე 5000 გბ ვირტუალური ჰოსტინგის გამოყოფა.
კლასიფიკატორის კოდი: 72415000

3. ხელშეკრულების ღირებულება

- 3.1. მომსახურების ყოველთვიური ღირებულება შეადგენს 25 (ოცდახუთი) ლარს, ხოლო ხელშეკრულების საერთო ღირებულება 200 (ორასი) ლარს (ტარიფები და სხვა დეტალები -- დანართში #1)
- 3.2. მომსახურების ღირებულება მოიცავს მიმწოდებლის ყველა ხარჯისა და საქართველოს კანონმდებლობით გათვალისწინებულ ყველა გადასახადს.

4. ანგარიშწორების ფორმა და ვადები

- 4.1. მიმწოდებელთან ანგარიშსწორება შემსყიდველის მიერ განხორციელდება ყოველთვიურად, უნაღდო ანგარიშწორების ფორმით, შესაბამისი საგადასახადო დოკუმენტაციის(ანგარიშფაქტურა) წარმოდგენიდან 10 სამუშაო დღის ვადაში.

5. მომსახურების გაწევის ვადა

5.1. მიმწოდებელი მომსახურების ფაქტიურ გაწევას (გააქტიურება) აწარმოებს 2023 წლის 1 მაისიდან და დაასრულებს 2023 წლის 31 დეკემბერს.

6. მხარეთა უფლება-მოვალეობანი

6.1. შემსყიდველი უფლებამოსილია

6.1,1 წინასწარ, ერთი თვით ადრე, წერილობით შეატყობინოს კომპანიას და ცალმხრივად შეწყვიტოს ხელშეკრულება;

6.1,2 მოსთხოვოს კომპანიას ხელშეკრულებით გათვალისწინებული ვალდებულებების ჯეროვნად შესრულება;

6.1,3 გამოიყენოს კანონმდებლობით მისთვის მინიჭებული უფლებები.

6.2. შემსყიდველი ვალდებულია

6.2,1 სრულად და დადგენილ ვადაში გადაიხადოს „მომსახურების“ საფასური, 4.1. პუნქტის მიხედვით;

6.2,2 გამოიყენოს „მომსახურება“ საქართველოს კანონმდებლობის შესაბამისად;

6.2,3 თავად უზრუნველყოს მისი ვებსაიტის პროგრამული დაცვა;

6.2,4. ჯეროვნად და კეთილსინდისიერად შეასრულოს ხელშეკრულებით გათვალისწინებული ვალდებულებები.

6.3. მიმწოდებელი უფლებამოსილია

6.3,1 ქსელის და სერვერების სრულყოფასა და განვითარებასთან დაკავშირებით (ახალი მაგისტრალების ჩართვა, ტექნიკური საშუალებების განახლება და/ან მოდიფიცირება, ქსელის კონფიგურაციის შეცვლა, ახალი ტექნოლოგიების დანერგვა და სხვა) მოახდინოს სერვერის დროებითი გათიშვა აბონენტთან წინასწარი შეთანხმების საფუძველზე, არაუმეტეს 4 (ოთხი) საათისა, 1 (ერთი) კალენდარული თვის განმავლობაში;

6.3,2 მოსთხოვოს აბონენტს ხელშეკრულებით გათვალისწინებული ვალდებულებების ჯეროვნად შესრულება;

6.3,3. გამოიყენოს კანონმდებლობით მისთვის მინიჭებული უფლებები.

6.4. მიმწოდებელი ვალდებულია:

6,4,1 უზრუნველყოს კომპანიის კუთვნილ ვებ-სერვერზე აბონენტისათვის სივრცის გამოყოფა დანართში #1 განსაზღვრული პარამეტრებით;

6,4,2, 6,3,1 პუნქტის მიხედვით წინასწარ ცნობილი და დაგეგმილი გათიშვის შესახებ აბონენტს აცნობოს მინიმუმ 12 საათით ადრე;

6,4,3 კეთილსინდისიერად და ჯეროვნად შეასრულოს ხელშეკრულებით გათვალისწინებული ვალდებულებები;

6,4,4, არ გაამყდავნოს აბონენტის პერსონალური ინფორმაცია გარდა იმ შემთხვევებისა, რაც გათვალისწინებულია საქართველოს კანონმდებლობით.

7. ხელშეკრულებით ნაკისრი ვალდებულებების შესრულების ინსპექტირება

7.1. ხელშეკრულების ნაკისრი ვალდებულებების ინსპექტირებას განახორციელებს შემსყიდველი.

7.2. ინსპექტირება გულისხმობს მიმწოდებლის მიერ ხელშეკრულების პირობების შესრულებისა და გაწეული მომსახურების ხარისხის პროცესის კონტროლს.

7.3. ყველა გამოვლენილი ხარვეზის ან ნაკლის აღმოფხვრასთან დაკავშირებული ხარჯების ანაზღაურება ეკისრება მიმწოდებელს საქართველოს კანონმდებლობით დადგენილი წესით.

8. პირგასამტეხლო ხელშეკრულების პირობების შეუსრულებლობისათვის

- 8.1. ხელშეკრულებით ნაკისრი ვალდებულების შეუსრულებლობის, ვადის გადაცილების შემთხვევაში, მხარეს დაეკისრება პირგასამტეხლო ყოველ ვადაგადაცილებულ დღეზე შეუსრულებელი ვალდებულების ღირებულების 0,1%-ის ოდენობით.
- 8.2. იმ შემთხვევაში, თუ დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 10 (ათი) პროცენტს, შემსყიდველი იტოვებს უფლებას შეწყვიტოს ხელშეკრულება და მოსთხოვოს მიმწოდებელს ხელშეკრულების შეწყვეტის მომენტისთვის გადასახდელი პირგასამტეხლოს ანაზღაურება.
- 8.3. პირგასამტეხლოს გადახდა არ ათავისუფლებს მხარეს ძირითადი ვალდებულებების შესრულებისაგან.

9. ხელშეკრულებაში ცვლილებების შეტანა და ხელშეკრულების შეწყვეტა

- 9.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.
- 9.2. ხელშეკრულების პირობების, მათ შორის ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ღირებულება ან უარესდება ხელშეკრულების პირობები შემსყიდველისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.
- 9.3. საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში, ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.
- 9.4. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.
- 9.5. მხარე ვალდებულია არანაკლებ 5 (ხუთი) დღით ადრე წერილობით ან კომუნიკაციის ელექტრონული საშუალებების გამოყენებით შეატყობინოს მეორე მხარეს გათვალისწინებული გადაწყვეტილების მიღების განზრახვის თაობაზე.
- 9.6. ხელშეკრულება ასევე შესაძლებელია შეწყდეს მხარეთა ინიციატივით, ურთიერთშეთანხმების საფუძველზე.

10. დაუძლეველი ძალა

- 10.1. მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია დაუძლეველი ძალის ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ.
- 10.2. თუ, ერთ-ერთი მხარე დაუძლეველი ძალის გამო ვერ ასრულებს ნაკისრ ვალდებულებებს, იგი ვალდებულია დაუყოვნებლივ, მაგრამ არაუგვიანეს მომდევნო დღისა აცნობოს მეორე მხარეს მათი დადგომის ან/და დასრულების შესახებ. წინააღმდეგ შემთხვევაში, შესაბამისი მხარე არ გათავისუფლდება ნაკისრი ვალდებულებებისაგან.
- 10.3. მხარეთა პასუხისმგებლობა და ვალდებულებები განახლდება დაუძლეველი ძალის მოქმედების დასრულებისთანავე.

11. დავები და მათი გადაწყვეტის წესი

ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

12. ხელშეკრულების მოქმედების ვადა

ხელშეკრულება ძალაში შედის ხელშეკრულების თავში მითითებული თარიღიდან და მოქმედებს 2024 წლის 31 იანვრის ჩათვლით.

13. საერთო პირობები

13.1. მიმწოდებელი არ არის პასუხისმგებელი აბონენტის მიერ ქსელში გატარებულ ინფორმაციაზე ან/და საიტზე განთავსებული ინფორმაციის შინაარსზე; „მომსახურების“ ხარისხზე, თუ ხარვეზი გამოწვეულია აბონენტის ლოკალური ქსელის ან/და ინტერნეტ პროვაიდერისგან მიღებული სერვისის გაუმართაობით; ვირუსული პრობლემებით ან/და თუ აბონენტის სუბიექტური მოლოდინი და მოთხოვნა აღემატება ხელშეკრულებით განსაზღვრულ მომსახურების ხარისხსა და მახასიათებლებს.

13.2. შემსყიდველი ადასტურებს, რომ გაცნობილია და ეთანხმება კომპანიის საიტზე <http://proservice.ge/> გამოქვეყნებულ სერვისით სარგებლობის წესებს და ტარიფებს;

13.3. შემსყიდველი თანხმობას აცხადებს მის მიერ მითითებული პერსონალური მონაცემები შეყვანილ იქნას კომპანიის მონაცემთა ბაზაში;

13.4. ამ ხელშეკრულებით შემსყიდველი ყიდულობს მომსახურებას და მას საკუთრებაში არ გადაეცემა რაიმე ტექნიკური მოწყობილობა ან/და ნივთი;

13.5. ახალი ან გაფართოებული მომსახურების გაწევის შესახებ აბონენტსა და კომპანიას შორის იდება დამატებითი ხელშეკრულება.

13.6. წინამდებარე ხელშეკრულების ყველა დანართი წარმოადგენს ხელშეკრულების განუყოფელ ნაწილს და მოქმედებს მასთან ერთად.

14. რეკვიზიტები

„შემსყიდველი“

„მიმწოდებელი“

გორის, კასპის, ქარელისა და ხაშურის
მუნიციპალიტეტებში, სახელმწიფო
რწმუნებულის ადმინისტრაცია
ქ.გორი, ფერადის №5
ს/კ 217889514

სახელმწიფო ხაზინა
ხაზინის კრიპტოპროგრამის ID: 101001000
საინტეგრაციო კოდი: 217889514

სახელმწიფო რწმუნებული

მიხეილ შაყულაშვილი

შპს „პროსერვისი“
ქ. თბილისი, პ. ქავთადაძის ჩიხი 3
ს/კ 204929168
სს „თიბისი ბანკი“
ბ/კ TBCBGE22
ა/ა GE28 TB06 0000 0303 4675 61

დირექტორი

რევაზ ნატროშვილი

დანართი №1

მომსახურების ტარიფები და სხვა დეტალები

მომსახურების დასახელება	ყოველთვიური გადასახადი (ლარი)
ვებ-სერვერზე 5000 მბ სივრცე, 2 დომენის განთავსების უფლებით; ტრაფიკის, მონაცემთა ბაზების და ელექტრონული ფოსტის შეუზღუდავი რაოდენობა. ყოველთვიური გადასახადი.	25.00 ლარი

“შემსყიდველი” გორის, კასპის, ქარელისა და ხაშურის მუნიციპალიტეტებში სახელმწიფო რწმუნებულის ადმინისტრაცია
სახელმწიფო რწმუნებული *მ. შაყულაშვილი* მ. შაყულაშვილი/



“მიმწოდებელი” შპს „სერვ.ჯი“
დირექტორი:

/რ. ნატროშვილი/

ინტერესთა კონფლიქტის თავიდან აცილების პირობები

ქ.გორი

„01“ მაისი 2023 წ

ჩვენ, ქვემოთ ხელის მომწერი ვადასტურებთ, გორის, კასპის, ქარელისა და ხაშურის მუნიციპალიტეტებში სახელმწიფო რწმუნებულის ადმინისტრაციის მიერ ინტერნეტ მომსახურების სახელმწიფო შესყიდვისთვის, გამარტივებული შესყიდვის საშუალებით გასაფორმებელ ხელშეკრულებაში, ჩვენი მონაწილეობა არ ეწინააღმდეგება ”სახელმწიფო შესყიდვების შესახებ“ საქართველოს კანონის მე-8 მუხლის პირველი პუნქტით გათვალისწინებულ მოთხოვნებს.

გორის, კასპის, ქარელისა და ხაშურის მუნიციპალიტეტებში
სახელმწიფო რწმუნებულის



გორის, კასპის, ქარელისა და ხაშურის მუნიციპალიტეტებში
სახელმწიფო რწმუნებულის აპარატის
მესამე კატეგორიის უმცროსი სპეციალისტი

თემურ სამხარაძე

გორის, კასპის, ქარელისა და ხაშურის მუნიციპალიტეტებში
სახელმწიფო რწმუნებულის აპარატის
მესამე კატეგორიის უფროსი სპეციალისტი

გვანცა ცომია